

## Au weh!

D' kloa Rosi wü im Gort'n a Ros'n procka -  
a rosane Ros'n, a scheene.

Do sticht s'a si on an saubled'n Doon  
agrat in ihr'n Dama eene.

Si reert no da Muida, „Au weh! Do schau her!  
Mee Finga is gonz volla Bluit! “

D'Muida muiss s' trest'n: „'s is jo net so schlimm.“  
Und blos'n, dass's weh nimma tuit.

„Und Kind, wirst scho seg'n: Bis dass d' heirat'st,  
bis donn is ois wieda guit!“

Do fongt de kloa Rosi erscht recht o ins Plaz'n:  
"Und wonn... und wonn... und wonn...  
wonn mi koana mog, wos is donn?"

*14. November 2019*